

# Evropski izbori 2024

Lako čitljiva brošura

## **Evropski izbori 2024**

Građani EU biraju

zastupnike u Evropski parlament.

EU-izbori održavaju se svake pete godine.

Iz Finske se bira 15 zastupnika  
u Evropski parlament.

EU izbori, odnosno izbori za Evropski parlament,  
održavaju se istovremeno u svim državama članicama EU.

EU ima 27 zemalja članica.

### **Datumi održavanja EU izbora 2024 u Finskoj:**

Izbori će se održati u nedjelju, **9. juna 2024**

Prijevremeno glasanje u Finskoj je **29 maj–4 juni 2024,**

Prijevremeno glasanje u inostranstvu je **29 maj–1 juni 2024.**

### **Zadaci Evropskog parlamenta**

Evropski parlament predstavlja građane EU.

Evropski parlament donosi zakone zajedno  
s Vijećem Evropske unije.

Vijeće predstavlja države članice EU-a.

Evropski parlament odobrava proračun EU  
zajedno s Vijećem Evropske unije.

Evropski parlament nadzire Evropsku komisiju  
i agencije Evropske unije.

### **Ko može glasati?**

Na EU izborima možete glasati

- ako imate 18 godina ili ćete najkasnije 9. juna 2024 godine napuniti 18 godina
- ako ste državljanin Finske ili
- ako ste državljanin druge zemlje EU i prijavljeni ste u registru  
osoba sa glasačkim pravom u Finskoj najkasnije do 21. marta 2024.

## **Za koga možete glasati?**

Stranke ili izborna udruženja mogu predlagati kandidate na EU-izborima. Kandidat mora biti finski državljanin ili državljanin druge zemlje EU, ali mora imati pravo glasa u Finskoj.

Kandidati na EU izborima su kandidati u cijeloj zemlji, te možete glasati za bilo kojeg kandidata.

Svaki kandidat ima svoj broj. Sve brojeve kandidata možete naći na službenim stranicama Ministarstva pravosuđa, na biračkim mjestima i u glasačkim kabinama

Informacije o kandidatima naći ćete takođe u novinama, na televiziji i na internetu.

## **Obavijest o biračkom pravu**

Ako imate pravo glasa, dobićete obavijesti o biračkom pravu. Obavijest se šalje pismom ili elektronskim putem. Obavijest o pravu glasa ćete dobiti elektronskim putem, ako koristite web uslugu Suomi.fi. Suomi.fi je usluga za koju je odgovorna Uprava za digitalizaciju i registar stanovništva. Više o elektronskim porukama možete pročitati na **[www.suomi.fi/meddelanden](http://www.suomi.fi/meddelanden)**.

Sami možete odabrati da li ćete glasate na dan izbora ili ćete prijevremeno glasati.

Ako glasate na dan izbora, u obavijesti o vašem biračkom pravu stoji gdje možete glasati.

Prijevremeno glasati možete na više mjesta. Obavijest o biračkom pravu sadrži i listu mjesta u blizini vašeg prebivališta gdje možete prijevremeno glasati. Na biračko mjesto ponesite identifikacioni dokument. Obavijest o biračkom pravu ne morate imati prilikom dolaska na glasanje.

## **Glasanje kod kuće**

Prijevremeno glasati možete kod kuće, ako je vaša pokretljivost ili funkcionalna sposobnost toliko ograničena da vam je vrlo teško otići na biračko mjesto da glasate.

Obavijestite centralni birački odbor da želite glasati kod kuće najkasnije do 28. maja 2024. godine do 16 sati. Kontakt podaci centralnog biračkog odbora nalaze se u obavijesti o biračkom pravu. Više informacija o glasanju kod kuće dobićete od centralnog biračkog odbora.

## **Ovako ćete prijevremeno glasati**

Na Evropskim izborima možete prijevremeno glasati na više mjesta

**Prijevremeno glasanje će se održati u Finskoj od 29. maja do 4. juna 2024. Prijevremeno glasanje u inostranstvu će se održati od 29. maja do 1. juna 2024.**

Kada dođete na glasanje sa sobom morate imati identifikacioni dokument sa slikom, dakle vaš pasoš, ličnu karta ili vozačku dozvolu.

## **Postupite ovako kod prijevremenog glasanja:**

**1. Pokažite identifikacioni dokument izbornom funkcioneru.**

Od izbornog funkcionera ćete dobiti glasački listić.

**2. Uđite u glasačku kabinu.**

Broj kandidata za kojeg glasate čitko napišite na glasačkom listiću.

Ne pišite ništa drugo na glasačkom listiću

Brojeve kandidata možete vidjeti na zidu glasačke kabine.

**3. Presavijte glasački listić tako da niko ne može vidjeti napisani broj.**

**4. Vratite se zatim do izbornog funkcionera**

koji će staviti pečat na vaš glasački listić i dati vam jednu smeđu kovertu.

**5. Stavite glasački listić u kovertu i zalijepite kovertu.**

**6. Funkcioner iz biračkog odbora će od vas tražiti da upišete svoje ime na jednom obrascu.**

Na taj način potvrđujete da ste sami popunili glasački listić, da je na njega stavljen pečat, te da je listić stavljen u kovertu.

**7. Na kraju funkcioner iz biračkog odbora stavlja smeđu kovertu i obrazac u žutu kovertu.**

i zalijepljenu je šalje centralnom biračkom odboru.

## **Ovako ćete glasati na dan izbora**

**Izbori su u nedjelju 9. juna 2024**

**Biračka mjesta su na dan izbora otvorena od 9.00 do 20.00 sati**

Na dan izbora možete glasati samo na biračkom mjestu koje je navedeno u obavijesti o vašem biračkom pravu.

Kad idete na glasanje sa sobom ponesite dokaz o identitetu, dakle vaš pasoš, ličnu kartu, ili vozačku dozvolu.

### **Postupite ovo kada budete glasali:**

**1. Pokažite potvrdu o identitetu izbornom funkcioneru.**

Izborni funkcioner će utvrditi da se vaše ime nalazi na listi, te vam dati glasački listić.

**2. Uđite u glasačku kabinu.**

Na glasačkom listiću čitko napišite broj kandidata za kojeg glasate. Ne pišite ništa drugo na glasačkom listiću. Brojeve kandidata možete vidjeti na zidu glasačke kabine.

**3. Presavijte glasački listić tako da niko ne može vidjeti napisani broj.**

**4. Vratite se do izbornog funkcionera**

On će staviti pečat na vaš glasački listić.

**5. Ubacite svoj ovjereni glasački listić u glasačku kutiju.**

## **Ko vam može pomoći?**

### **Izborni funkcioneri će vam pomoći prilikom glasanja.**

Na biračkom mjestu se nalazi i članovi biračkog odbora koji vam mogu pomoći.

Ako sami ne možete napisati broj na glasačkom listiću, možete zamoliti nekog od članova biračkog odbora da vam pomogne u glasačkoj kabini.

Osobu koja će vam pomoći prilikom glasanja možete i sami izabrati. To može biti npr. vaš rođak ili prijatelj, ali ne smije biti kandidat na izborima niti biti u srodstvu sa kandidatom.

Osoba koja vam je pomogla pri glasanju ne smije nikome reći za koga ste glasali.

## **Tajnost glasanja**

Sami odlučujete da li želite i i za koga želite glasati.

Tajnost glasanja znači da nikome ne morate reći za koga ste glasali.

Zbog tajnosti glasanja glasački listić popunjavate u glasačkoj kabini.

**Glasajte na EU izborima!**  
**Glasanjem utičete na to ko će iz Finske**  
**biti izabrani u Evropski parlament**  
**za period od narednih pet godina.**

U ovoj brošuri, na jednostavnom švedskom jeziku, donosimo informacije o EU izborima 2024 i kako na njima glasati.

Više informacija možete pronaći na adresama:  
[valfinland.fi](http://valfinland.fi) (nije u kategoriji "lako čitljivo")  
[elections.europa.eu/sv](http://elections.europa.eu/sv) (nije u kategoriji "lako čitljivo")

Ako imate pitanja o izborima i glasanju  
možete kontaktirati Ministarstvo pravosuđa  
na broj telefona 0800 9 4771.

Svoja pitanja možete poslati i na WhatsApp  
na broj 050 438 8730.